



Ukiumoortumik nalunaarusiaq 2014 & 2015

Kalaallit Nunaanni

Tarnimikkut Nappaatillit Maalaarutaannik Aalajangiisartut

Maj 2016

IMARISAI

AALLAQQASIUT.....	3
IMM. I: Tarnimikkut Nappaatillit Maalaarutaannik Aalajangiisartut.....	4-5
1.1. Katitigaanerat	
1.2. Piginnaasaqarfiit suliassallu	
1.3. Suliap aalajangiisarnerullu nassuiaatissartaat	
IMM. II: 2014 – Suliap amerlassusaat, agguataarneqarnerat assigisaallu.....	5-6
IMM. III: 2015 – Suliap amerlassusaat, agguataarneqarnerat assigisaallu.....	6-7
IMM. IV: Tunngaviusumik ajornartorsiutit.....	7

AALLAQQASIUT

Tarnimikkut Nappaatillit Maalaarutaannik Aalajangiisartut ukiut tamaasa tamanut saqqummiussassamik suliatik pillugit nalunaarusiortartussaapput. Dronning Ingridip Napparsimmavissuani tarnimikkut nappaatilinnut immikkoortortaqarfik suleqatigalugu ukiumoortumik nalunaarusiortoqartussaammat, ukiumoortumik nalunaarusiaq tamanut saqqummiunneqartsinnagu, Dronning Ingridip Napparsimmavissuani tarnimikkut nappaatilinnut immikkoortortaqarfimmut saqqummiunneqaqqaarpoq. Dronning Ingridip Napparsimmavissuani Tarnimikkut nappaatilinnut immikkoortortaqarfik ukiumoortumik nalunaarusiamut oqaaseqaatissaqanngilaq.

Siornatigut pinngitsaaliisummik iliuuseqarnissat pillugit aalajangiinerit, tamatuma nalaani tarnimikkut nappaatillit napparsimmavimmi uninngasernerat pillugu inatsit naapertorlugu aalajangiinerit, justits-ministeriamut maalaarutigineqarsinnaapput. Suliassaqarfik tarnimikkut nappaatilinnut pinngitsaaliinikkut iliuuseqartarney 2008-mi Kalaallit Nunaannut nuunneqarmat, Kalaallit Nunaanni tarnimikkut nappaatillit pillugit nutaamik inatsisiliornissamut piareersarney aallartinneqarpoq. Tarnimikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarney pillugu Inatsisartut inatsisaat (tarnikkut nappaatillit pillugit inatsit) nr. 24, 3. december 2012-imeersoq juulip aallaqqaataani 2013 atuutilerpoq.

Tarnimikkut Nappaatillit Maalaarutaannik Aalajangiisartut tarnimikkut nappaatillit pillugit inatsimmi § 41 naapertorlugu pilersinneqarput. Pinngitsaaliisummik napparsimmavimmut unitsitsineq, pinngitsaaliisummik tigummigallagassanngortitsineq, napparsimmavimmi uninngasumik takkutinngitsoortumik/qimaasimasumik pinngitsaaliisummik utertitsineq, pinngitsaaliisummik katsorsaaneq, napparsimmavimmiit angerlareernermi pinngitsaaliisummik malittarinninneq, pinngitsaaliisummik aalaakkiineq, nakuuserfiginninneq, napparsimasoq illersorniarlugu pinngitsaaliisummik aalaakkiineq, nal. ak. 24-it sinnerlugit ataannartumik immikkut nakkutilliineq immikkoortortamilu matunik parnaarsineq pillugit maalaarutit, Aalajangiisartut suliassaraat.

Tarnimikkut nappaatillit pillugit inatsimmi § 41 naapertorlugu, Tarnimikkut Nappaatillit Maalaarutaannik Aalajangiisartuni ilaasortat tassaapput: Inatsisileritooq siulittaasuusoq, Nunatsinni Nakorsaaneq tarnimikkullu nappaatillit ilaqutaasalu peqatigiiffianit aallartitaq tarnimikkut nappaatilinnut sinniisuusoq.

Tarnimikkut Nappaatillit Maalaarutaannik Aalajangiisartut allatseqarnikkut Nunatsinni Nakorsaa-neqarfimmit isumagineqarput.

IMM. I: Tarnimikkut Nappaatillit Maalaarutaannik Aalajangiisartut

1.1. Katitigaanerat

2014-imi 2015-imilu inatsisileritooq Anita Strauss Sørensen Aalajangiisartuni siulittaasuvoq sinniisussaatuullu inatsisileritooq Jesper Müller toqqagaalluni.

Aalajangiisartut 2014-imi nakorsartaraat Nunatsinni Nakorsaaneq Flemming Kleist Stenz. 2015-imi Flemming Kleist Stenz Nunatsinni nakorsaaningortumit Henrik Trykker-imit kingoraarneqarpoq. Nunatsinni Nakorsaaneqarfimmi peqqissaasoq Turid B. Skifte 2014-imi nakorsatut ilaasortamut sinniisussaavoq. Nunatsinni Nakorsaaneqarfimmi peqqissaasoq Charlotte Lange 2015-imi nakorsatut ilaasortamut sinniisussaavoq.

Tarnikkut nappaatillit ilaqutaasalu peqatigiiffianni siulittaasoq Esekias Therkelsen Aalajangiisartuni ilaasortassatut toqqarneqarpoq, 2014-imi 2015-imilu Esekias Therkelsen-imut sinniisussamik toqqaasoqanngilaq.

2014-imi 2015-imilu Aalajangiisartunut allatseqarnikkut isumaginnittuuvooq allaffissornermi fuldmægtigi Tania D. Broberg Nunatsinni Nakorsaaneqarfimmeersoq.

1.2. Piginnaasaqarfiit suliassallu

Aallaqqaasiummi nassuiaatigineqartut Tarnimikkut Nappaatillit Maalaarutaannik Aalajangiisartut, pinngitsaaliissummik iliuuseqarnissamik aalajangiinerit pillugit maalaarutinik suliaqartarput.

Napparsimasut tarnimikkut nappaatilinnut immikkoortorta qarfimmi uninnganerminni qulaani taaneqartut arlaannik pinngitsaaliissummik iliuuseqarfigineqarneq pillugu maalaarutaannit, Tarnimikkut Nappaatillit Maalaarutannik Aalajangiisartut suliassaata aallaaveqarput. Maalaarutip napparsimasumut siunnersortip akuliunneragut imaluunniit maalaarutip allaganngorlugu oqaatsilluunniit atorlugit napparsimmavimmi sulisunut apuunneqarluni taakkunannga piaarnerpaamik allagaatit allat suliambut tunngassutillit, (nakorsap uppersaataa, napparsimasooq pillugu allattugaatit, uninnermut atatillugu nalunaarsukkat, pinngitsaaliinermi ileqqulersuutissat naapertorlugit nalunaarsuineq il.il.) ilanngullugit Aalajangiisartunut nassiunneqartarpoq.

Tarnimikkut Nappaatillit Maalaarutaannik Aalajangiisartut aalajangiinerminni, assersuutigalugu maalaarut Aalajangiisartut piginnaatitaaffiata avataaniippat, itigartissinnaavaat ingerlateqqissinnaalluguluunniit. Aalajangiisartuni suliamik ingerlatitseqqinnissamik aalajangiinerimmi, pinngitsaaliissummik iliuuseqarneq akuerineqarsinnaavoq imaluunniit eqqunngitsumik iliornertut nalilernerqarsinnaalluni. Pinngitsaaliissummik iliuuseqarnissamik aalajangermimik maalaaruteqarneq, Aalajangiisartunit itigartinneqarsinnaavoq akuerineqarsinnaallunuunniit.

Maalaarut Tarnimikkut Nappaatillit Maalaarutaannik Aalajangiisartut naliliinissaasa tungaannut pinngitsaaliissummik iliuuseqarnissamik kinguartitsinnaasoq pineqarpat, Aalajangiisartut ulluinaat arfineq marluk qaangiutsinnagit aalajangiissapput. Pinngitsaaliissummik iliuuseqarnerni allani Aalajangiisartut sapinngisaq tamaat piaarnerpaamik aalajangiissapput, maalaarutillu Aalajangiisartunit tiguneqarneriniit ullut 14-it qaangiutsinnagit aalajangiisoqanngippat, Aalajangiisartut napparsimasooq siunnersortaalu tamatuma sumik patsiseqarneranik qaqugulu aalajangiivigineqarsinnaanissaanik ilisimatissavaat.

Tarnimikkut Nappaatillit Maalaarutaannik Aalajangiisartuni ataatsimiinnerit, Dronning Ingridip Napparsimmavissuani tarnimikkut nappaatilinnut immikkoortorta qarfimmi ingerlanneqartarput. Nakorsaaneq, napparsimasooq, napparsimasumut siunnersortaasoq, pisariaqarpallu tarnimikkut nappaatilinnut immikkoortorta qarfimmi sulisut maalaarummut naapertuuttumik attuumassutillit, ataatsimiinnernut aggersarneqartarput. Tarnimikkut Nappaatillit Maalaarutaannik Aalajangiisartut ataatsimiinnerup

naammassinerani aalajangiisarput, ataatsimiinnerullu kingorna ullup ataatsip marlulluunniit qaangiunneranni aalajanginerup illuatungeriinnut nassiunneqarnissaa anguniarneqarpoq.

1.3. Suliaq aalajangiisernerullu nassuiaatissartaat

Suliaq tassaavoq napparsimasup Tarnimikkut Naapaatillit Maalaarutaannik Aalajangiisartunut maalaarutaa imaluunniit maalaarutai, ataatsinmiinnermi aalajangersimasumi suliarineqartut. Maalaarut arlalinnik immikkoortoqaraluarpalluunniit ataasiinnartut isigineqartarpoq. Napparsimasoq kingusinnerusukkut pinngitsaaliissummik iliuuseqarfigineqarneq pillugu maalaaruteqaqqippat, maalaarut taanna nutaatut isigineqassaaq.

Aalajangiineq pinngitsaaliissummik iliuuseqarnermut akuersinertut itigartitsinertulluunniit nassuiarneqarpoq. Nassuiaat taanna naapertorlugu suliaq arlalinnik aalajangiivigineqarsinnaavoq. Tarnimikkut Nappaatillit Maalaarutaannik Aalajangiisartut pinngitsaaliissummik iliuuseqarnerit assigiiartut arlallit, assersuutigalu pingasoriarluni pinngitsaaliissummik aalaakkiinerit aalajangiiffigippatigik, taakku naatsorsueqqissaarnermi aalajangiinertut pingasutut naatsorsorneqassapput.

Taamatuttaaq aalajangiineq akuersinermi, assersuutigalugu pinngitsaaliissummik tiggummigallagassanngortitsinermik itigartitsinermillu, assersuutigalugu tamatuma attatsiinnarneqarnissaanik imaqarpat, naatsorsueqqissaarnermi aalajangiinertut marluttut naatsorsorneqassapput.

IMM. II: 2014 - Suliat amerlassusaat, agguataarneqarnerat il.il.

Tarnimikkut nappaatillit Maalaarutaannik Aalajangiisartut 2014-imi suliassanik qulaaluanik tigusaqarput, taakkunanga marluk aalajangiisartunit suliarineqartigatik utertinneqarput. Sinneruttut arfineq marluk suliarineqarput.

Tarnimikkut Nappaatillit Maalaarutaannik Aalajangiisartuni 2014-imi agguaqatigiissillugit ullut arfineq marluk sulianik ingerlatsiviusimapput. Piffissap suliamik ingerlatsiviusup, suliassap Aalajangiisartunit tiguneqarneraniit aalajangiinerup napparsimasumut nassiunneqarneranut naatsorsorneqartarnera, oqaatigineqassaaq. Suliamik ingerlatsinermi piffissaq maalaarutip Aalajangiisartunit tiguneqarneraniit paasissutissanik naapertuuttunik tamanik allagaatinillu pissarsinissamut piffissaq atorneqartoq aamma ilaavoq. Taamatuttaaq suliamik ingerlatsinermi arfininngornerit, sapaatit nalliuttullu ilaapput.

2014-imi pinngitsaaliissummik iliuuseqarfigineqarnermut tunngatillugu maalaarut kinguartitsinermik kinguneqartoq ataaseq tiguneqarpoq. Suliassaq tanna ulloq taanna suliarineqarpoq.

Tarnimikkut Nappaatillit Maalaarutaannik Aalajangiisartut maalaarutininik suliaqartarneranni Aalajangiisartut ataatsimiittarnerisa, Dronning Ingridip Napparsimmavissuani tarnimikkut nappaatilinnut immikkoortorta qarfimmi ingerlanneqartarnissaat, maleruagassat pingaarnersaraat. Taamaasillutik 2014-imi suliat arfineq marluk tamarmik tarnimikkut nappaatillit immikkoortorta qarfianni suliarineqarput.

Tarnimikkut Nappaatillit Maalaarutaannik Aalajangiisartut ataatsimiinneranni, sulianik ingerlatsinermi nakorsamik, napparsimasumik, napparsimasumulluunniit siunnersortimik peqataasoqarnera immikkut oqaatigineqartarpoq.

Nakorsaaneq, napparsimasoq napparsimasumullu siunnersortaasoq 2014-imi ataatsimiinnerni arfineq marlunni tamani peqataapput.

2014-imi aalajangiivigisat amerlassusaat pinngitsaaliilluni iliuseqarnerit assigiinngitsunut agguataarlugit	
Pinngitsaaliissummik napparsimmavimmut unitsitsineq	2
Pinngitsaaliissummik napparsimmavimmi tigummigallagassanngortitsineq	6
Pinngitsaaliissummik aalaakkiineq	1
Pinngitsaaliissummik nakorsaaitortitsineq	1
Aalajangiivigisat katillugit	10

Aalajangiinerni tamani pinngitsaaliissummik iliuseqarnerit maalaarutigineqartut Tarnimikkut Nappaatillit Maalaarutaannik Aalajangiisartunit akuerineqarput.

Napparsimasumit siunnersortaanilluunniit piomasagaataappat, pinngitsaaliissummik napparsimmavimmut unitsitsinerit, pinngitsaaliissummik tigummigallagassanngortitsinerit, napparsimmavimmi uninngasumik takkutinnitsoortumik/qimaasimasumik pinngitsaaliissummik utertitsineq pinngitaaliissummik katsorsaaneq, § 17 naapertorlugu napparsimmavimmiit angerlareernermi pinngitsaaliissummik malittarinneq, pinngitsaaliissummik aalaakkiineq, pinngitsaaliissummik nukersorfiginnineq, napparsimasumik illersuiarluni aalaakkiineq, immikkut nakkutilliineq ataavartumik nal. ak. 24-it sinnerlugit sivilissusilik immikkoortortamilu matunik parnaarsineq pillugit aalajangiinerit, Tarnimikkut Nappaatillit Maalaarutaannik Aalajangiisartut, Kalaallit Nunaanni eqqartuussisarneq pillugu inatsimmi § 28 naapertorlugu, eqqartuussivimmut aalajangiivigisassanngortissavaat.

2014-mi Tarnimikkut Nappaatillit Maalaarutaannik Aalajangiisartut pinngitsaaliissummik iliuseqarfigineqarnermut tunngatillugu aalajangiigaat pillugit maalaaruteqartoqanngimmat, eqqartuussivimmut suliaqkiussisoqanngilaq.

IMM. III: 2015 - Suliat amerlassusaat, agguataarneqarnerat il.il.

Tarnimikkut Nappaatillit Maalaarutaannik Aalajangiisartut 2015-imi suliaqkiussisarneq tallimanik tigusaqarput, taakku tamarmik suliarineqarmmata itigartitsisoqaranilu utertitsisoqanngilaq.

Tarnimikkut Nappaatillit Maalaarutaannik Aalajangiisartut 2015-imi agguaqatigiissillugit ullut arfineq marluk sulianik ingerlatsiviusimapput. Piffissap suliamik ingerlatsiviusup, suliaqkiussisar Aalajangiisartunit tiguneqarneraniit aalajangiinerup napparsimasumut nassinneqarneranut naatsorsorneqartarnera, oqaatigineqassaaq. Suliamik ingerlatsinermi piffissaq maalaarutip Aalajangiisartunit tiguneqarneraniit paasissutissanik naapertuuttunik tamanik allagaatinillu pissarsinissamut piffissaq atorneqartoq, aamma ilaavoq. Taamatuttaaq suliamik ingerlatsinermi arfininngornerit, sapaatit nalliuttullu ilaapput.

2015-imi pinngitsaaliissummik iliuseqarfigineqarnermut tunngatillugu maalaarutit tamarmik kinguartitsinerimik kinguneqartut pingasut tiguneqarput. Suliaqkiussisar taakku siulleq ulluinnarni marlunni, aappaat ulluinnarni pingasuni pingajuallu ulluinnarni arfineq marlunni suliarineqarput. Ulluinnarni arfineq marlunni suliarineqartumut tunngatillugu, nakorsap uppersarsaataata suliaqkiussisar tiguneqarneraniit ulluinnat sisamat qaangiunneranni aatsaat Aalajangiisartunit tiguneqarnera, oqaatigineqassaaq.

Tarnimikkut Nappaatillit Maalaarutaannik Aalajangiisartut maalaarutininik suliaqartarneranni Aalajangiisartut ataatsimiittarnerisa, Dronning Ingridip Napparsimmavissuani tarnimikkut nappaatilinnut immikkoortortaqqarfimmi ingerlanneqartarnissaat, maleruagassat pingaarnersaraat. Taamaasillutik 2015-imi suliat tallimat tamarmik tarnimikkut nappaatillit immikkoortortaqqarfianni ataatsimiissutaapput.

Tarnimikkut Nappaatillit Maalaarutaannik Aalajangiisartut ataatsimiinneranni, sulianik ingerlatsinermit nakorsamik, napparsimasumik, napparsimasumulluunniit siunnersortimik peqataasoqarnera immikkut oqaatigineqartarpoq.

Nakorsaaneq, napparsimasoq napparsimasumullu siunnersortaasoq 2015-imi ataatsimiinnerni tallimani tamani peqataapput.

2015-imi aalajangiivigisat amerlassusaat pinngitsaaliilluni iliuseqarnerit assigiinngitsunut agguataarlugit	
Pinngitsaaliisummik napparsimmavimmut unitsitsineq	0
Pinngitsaaliisummik napparsimmavimmi tigummigallagassanngortitsineq	3
Pinngitsaaliisummik aalaakkiineq	1
Pinngitsaaliisummik nakorsaatitortitsineq	3
Aalajangiivigisat katillugit	7

Aalajangiinerni tamani pinngitsaaliisummik iliuseqarnerit maalaarutigineqartut Tarnimikkut Nappaatillit Maalaarutaannik Aalajangiisartunit akuerineqarput.

Napparsimasumit siunnersortaanilluunniit piumasaqaataappat, pinngitsaaliisummik napparsimmavimmut unitsitsinerit, pinngitsaaliisummik tigummigallagassanngortitsinerit, napparsimmavimmi uninngasumik takkutinnitsoortumik/qimaasimasumik pinngitsaaliisummik utertitsineq pinngitaaliisummik katsorsaa-neq, § 17 naapertorlugu napparsimmavimmiit angerlareernermit pinngitsaaliisummik malittarinneq, pinngitsaaliisummik aalaakkiineq, pinngitsaaliisummik nukersorfiginnineq, napparsimasumik illersui-niarluni aalaakkiineq, immikkut nakkutilliineq ataavartumik nal. ak. 24-it sinnerlugit sivirususilik immikkoortortamilu matunik parnaarsineq pillugit aalajangiinerit, Tarnimikkut Nappaatillit Maalaarutaannik Aalajangiisartut, Kalaallit Nunaanni eqqartuussisarneq pillugu inatsimmi § 28 naapertorlugu, eqqar-tuussivimmut aalajangiivigisassanngortissavaat.

2015-mi Tarnimikkut Nappaatillit Maalaarutaannik Aalajangiisartut pinngitsaaliisummik iliuseqarfi-gineqarnermut tunngatillugu aalajangigaat pillugit maalaaruteqartoqanngimmat eqqartuussivimmut suliakkiussisoqanngilaq.

IMM. IV: Tunngaviusumik ajornartorsiutit

2014-imi 2015-imilu Tarnimikkut Nappaatillit Maalaarutaannik Aalajangiisartunit suliarineqartut annikitsuinnaanerat tunngavigalugu, tunngaviusumik ajornartorsiutinik isummerfiginninnissamat pissutissaqanngilaq.

Taamaalilluni Tarnimikkut Nappaatillit Maalaarutaannik Aalajangiisartut 2014-imi 2015-imilu suliaanni Aalajangiisartut isumaat naapertorlugu maleruagassat qanoq atorneqarnissaannik Aalajangiisartut erseqqissaasariaqarnerannik imaluunniit nassuiaasariaqarnerannik kinguneqartumik suliaqartoqanngilaq.

Taamatuttaaq 2014-imi 2015-imilu Aalajangiisartuni suliarineqarsimasut tunngavigalugit Aalajangiisartut isumaat naapertorlugu Dronning Ingridip Napparsimmavissuani tarnimikkut nappaatilinnut immikkoor-tortaqrifiup, tarnimikkut nappaatillit pillugit inatsimmi Aalajangiisartut piginnaatitaaffiisa iluanni napparsimasunik katsorsaanermit piumasaqaatit nakkutigai. Aalajangiisartut taamaalillutik tamatu-manissaaq oqaaseqaateqarnissat pissutissaqarsimangilaq.